

**Dia 8 di maart dia
 di reflexiona riba e
 lucha cu a wordo hiba
 pa muhernan balente**

**RYCOND A DEFENDE
 LOTTO DI CANADA Y
 10 MIL DOLLAR DI
 PATRICK PASKEL**
 E kier pa Patrick sigui
 cobra 10 mil dollar pa luna



E-mail di Patrick ta PRUEBA su contract di 10 mil dollar
**Pa mas di 10 aña largo Patrick
 Paskel a cobra 10 mil dollar pa
 luna for di Canada**



**Delegacion di Aruba asistiendo
 na e feria di biahe mas grandi na
 mundo, ITB Berlin**

A.T.A.: Europa mercado cu reto y oportunidadnan di entre otro
 Inglaterra, Scandinavia y Suiza

**ALBERTO
 GROENVELD TA
 INOCENTE; E
 NO TA AUTOR
 PERO UN
 VICTIMA**



ALBERTO GROENVELD TA INOCENTE; E NO TA AUTOR PERO UN VICTIMA



Aparentemente e cos a dal un buelta. Alberto Groeneveld no ta autor di chantage pa videonan sunu, pero ta un victima.


Informe cu SOLO DI PUEBLO a ricibi ta indica cu Alberto ta un victima unda e tambe a cay den trampa di un grupo cu tabata hasi e mal practica aki.

Lamentablemente e mester pasa den investigacion, pasobra e tabata cerca di e autornan sin sikier cu e tabata sa, pasobra nan a abusa di su confiansa.

Ora e berdad sali na cla, lo constata cu e storia ta dal un buelta.

Si ta asina, ta lamentabel cu el'a cay den e baina aki y cual ta causa hopi daño na su nomber y su trabao.

Cambio den prijs di productonan petrolero 8 di maart 2023



- Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 8 di maart 2023:

Gasoline unleaded-premium	: 257,6 cen p/ltr. (- 4,9 cen)
Diesel LS	: 234,8 cen p/ltr. (- 25,5 cen)
Kerosin	: 222,4 cen p/ltr. (- 41,7 cen)

E prijsnan ta inclui BBO/BAZV/BAVP



PATRICK A COME HOPI LOBSTER CU SU CONTRACT DI 10 MIL DOLLAR PA LUNA

Solo di Pueblo a haya yamada di algun deportista cu a bisa cu nan ta votador di AVP. Nan yamada tabata pa busca aclaracion, pasobra nan no por kere cu Patrick pa asina hopi aña, na forma scondi, tabata cobra 18 mil florin pa luna.

Segun nan, cu nan deporte no a haya yudansa. Nan mester a organisa bbq, rifa, carwash, pa yega na fondo. E ta inhusto cu mientras nan tabata traha duro, Patrick ta cobra 10 mil dollar.

E grupo cu a yama nos a bisa cu nan lo bay reclama Mike Eman, cu a duna bendicion pa Patrick atraca placa di deporte.

Mientras nan tabata mula pa bende rifa, Patrick tabata come lobster.



Minister encarga cu Turismo y Salubridad Publico ta anuncia cu entrante **9 di maart 2023** durante 14 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53**, di un peticion cu a ser haci pa obtene un restaurantvergunning B pa e parcela **Shiribana 15-E**. E permiso aki ta concerni benta di cuminda pa consumo den e parcela. Durante dicho periodo aki tur hende por expresa por escrito nan obheccion contra dunamento di e permiso menciona, dirigi na e Minister di Turismo y Salubridad Publico, via intermediacion di Director di Departamento di Legislacion y Asunto Huridico, Schotlandstraat 53.

Rycond a defende Lotto di Canada y 10 mil dollar di Patrick Paskel

E kier pa Patrick sigui cobra 10 mil dollar pa luna

Politico Rycond a aparece diamars dilanti Lotto bao zundramento. Ora nos a kere cu e ta bin felicitá deportistanan, el'a bin zundra Endy Croes.

El'a cumenza trece un cantidad di storianan bieuw di Lotto, di 15 aña pasa, cual ya caba a wordo aclara, unda Minsister Endy Croes a sali liber di tur acusacion. Tur acusacion contra Minister Endy Croes tabata falso y esey a keda poni tambe den un sentencia di Hoge Raad na Hulanda.

Sinembargo, SOLO DI PUEBLO a spera cu Rycon lo a bini pa felicitá deportistanan. Nada di esey a sosode. E tabata hopi rabia mes cu e cambio di Lotto, pasobra e ta defendiendo Canada.



Dicon e ta defende Canada? Pasobra cu Patrikck tin 10 aña cobrando 10 mil dollar via

Canada.

Ta increibel cu un politico cu ta

huramenta pa traha pa pueblo, por ta defendiendo Canada y Patrick Paskel.

Ta un decepcion cu tipo di politiconan asina, por tin asina hopi rabia riba deporte.

STG. Thuiszorg Aruba

TA BUSKA

ENFERMERA/O & LABADO DI PANJA

Minimo EPB diploma

Carchi DVG valido (dispuesto pa busca)

Vacuna Covid-19

Local / permiso valido

BALENTE & Disponibel inmediato

Paradera 300 / Tlf. 5887400



TRABOU DI MANTENCION

Interupcion di Coriente

En conexcion cu trabounan necesario, coriente lo wordo interumpi:

Diahuebs, 9 di maart 2023
8:00 AM te cu 3:00 PM

Den vecindario di:

- Noord (un parti)
- Turibana (un parti)
- Alto Vista (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.


ELMAR

DANKI PA E COMPRESION

E-mail di Patrick ta PRUEBA su contract di 10 mil dollar Pa mas di 10 aña largo Patrick Paskel a cobra 10 mil dollar pa luna for di Canada

Ta pa algun dia caba cu SOLO DI PUEBLO ta treciendo un noticia dilanti, unda a bin cay den nos box, un prueba contundente, unda Patrick Paskel y Speed Andrade tabata cobra 10 mil dollar pa luna for di Canadian Bank Note.

Ora nos a cuminza publica e noticia, hopi no kier a kere. E cos a bira mas serio ora cu diamars merdia, Nelson Andrade tabata grita na radio cu no ta existi prueba y te hasta a reta SOLO DI PUEBLO pa publica dicho contract. Patrick Paskel tambe a nenga cu e ta cobra 18 mil florin pa luna for di Lotto Canada.

Pa no laga mas espacio pa duda, awe SOLO

DI PUEBLO ta publica prueba, cual ta consisti di un e-mail cu a cay den nos box, unda Patrick Paskel 'himself' ta admiti cu el'a cobra 5 aña na 18.000 florin pa luna for di Lotto Canada.

Nos tin mucho mas e-mail cu a cay den nos box, unda Patrick tabata chupa Lotto pa renoba otro 5 aña cune. Nos tin rason pa kere cu nan a prolonga e contract, pasobra si analisa e forma con e ta reacciona, den forma hopi rabia, anti-deporte, nos ta casi sigur cu su contract a wordo prolonga. Di Maart 12, 2022 su contract a cuminza, y na 2018 a prolonga y of Patrick a cuminza haya masha hopi placa di Lotto Aruba.

No ta straña nos con Patrick a nenga e contract aki, keriendo cu ningun hende lo haya sa y cu pa semper e lo keda secreto. E mentalidad aki ta di hende narcista. Hende cu ta gusta gaña y gusta pasa pa hende drechi. Nan ta hende cu por lastra tur otro hende y nan mes pasa pa 'bon hende'.

Den su propio e mail el'a skirbi: Cu den e prome parti di e contract el'a cobra AFL. 1.117.705.25 florin. Esaki ta afl. 18.000.00 pa luna.

Cu awe clubnan manera taekwondo y otronan mester para pidi placa bandi caminda, ta pa culpa di Patrick Paskel. Imaginabo si e 18 mil pa luna, tur luna a bay pa un



of otro club.

Notabel ta cu Partido AVP sa masha bon di e acto robes aki, pero aki nan ta prefera di bay contra deportistanan, pa faborece Patrick Paskel.

Departamento di Aduana ta felicita un grupo di colega cu a cumpli 30 aña di servicio

Diabierna ultimo 3 maart 2023, den presencia di Minister di Finansa, Sra. Xiomara Maduro, Director Departamento di Aduana, Sr. Roderick Croes, Chefnan, Management Team como tambe invitadonan, a haci entrega di un decreto gubernamental y un regalo na nos coleganan cu a cumpli 30 aña den servicio di Aduana. Un palabra di felicitacion ta bay pa coleganan:

- | | |
|--------------------|------------|
| Arlinda v/d Biezen | Ivette |
| Semerel | |
| Wilfrida Croes | |
| Vivian Geerman | |
| Omaira Franken | Tania Sint |
| Jago | |
| Tina Croes | Raquelita |
| Tromp | |
| Maribel Nuboer | Reyna de |
| Cuba | |
| Mildred Peña | Jacky |



Oduber	lealtad, amor y dedicacion, trahando na bienestar di nos isla y ta deseanan exito, perseverancia y sabiduria pa	sigui cu nan carera. Masha pabien!
Departamento di Aduana ta gradici nan coleganan pa e		

DEN PROMER 5 AÑA PATRICK PASKEL A COBRA 1.1 MIYON FLORIN, CONFIRMA DEN SU PROPIO E-MAIL

----- Forwarded Message -----

From: Patrick Paskel <patrick@teragrouppnv.com>

To:

Cc: Angelique de Cuba <Angelique@teragrouppnv.com>

Sent: Monday, November 12, 2018 at 05:28:26 PM GMT-4

Subject: Tera Group - CBNA Relation

Dear Mr. ,

With this email we want to inform you that we had a formal working agreement between Tera Group Aruba and with Canadian Bank Note Aruba, with Mr. Gordon Mckechnie since March 22nd, 2012 till December 31st, 2017. On December 22nd, 2017 we received an email from Mr. Ronald vd berg, cancelling our contract since January 1st, 2018 due to change in their strategic plan. We had a very positive and fruitful relation between TG and CBNA, where they spent a total of Afl. 1.117.705,25 with our company during the period of the business relationship.

Hope this information is useful for you.

Regards,

Patrick R. Paskel



Phone: +297 588 4941 | Fax: +297 582 9220 | www.teragrouppnv.com | TeragroupNV

Trabou di renobacion y mantencion na abattoir a termina

Departamento di Salud Publico ta informa cu e trabou di renobacion y matencion na abattoir a keda cla.

Veterinaire Dienst ta recorda tur persona cu kier sacrifica un cabrito, carne of porko pa consumo mester haci esaki na Abattoir. Matamento di bestia na cas ta ilegal y por tin su riesgo nan pa salud di hende. Tur hende cu kier haci uso di servicio di Abattoir pa sacrifica un bestia por haci esaki riba Diamars of Diahuebs, parti mainta cuminizando diamars dia 14 di maart 2023 sigui pa diahuebs 16 di maart 2023.

Alabes ta anuncia cu e proceso di sacrifica animal na Abattoir ta tumando luga a base di afspraak. Doño cu ta desea di sacrifica un of mas animal pa come mester percura pa jama di antemano pa confirma cu e kier haci uso di e servicio di Abattoir. Esaki ta pa purba coordina e matansa na un manera mas structura, cumpliendo cu reglanan di hygienia, protocol di matansa y pa e trabounan cana bon structura. Pa haci un afspraak por tuma contacto cu administratie di



Veterinaire Dienst na telefoon 5224310 of 5224320 of pasa personalmente na Veterinaire Dienst Barcadera 1.

Ta pidi encarecidamente pa trece animalnan dentro di e orario

duna como afspraak. Si no bin na ora duna na e afspraak mester haci un cita di nobo.

Paga bon atencion cu sin afspraak ningun persona lo no wordo

atendí.

Ban coopera pa asina e proceso na Abattoir por cana na un manera planifica y tranquilo.

HACI PAGO DI ABONEMENT ONLINE

TA POSIBEL:

APRECIABLE CLIENTELA, SI BO TA DESEA DI HACI E PAGO DI ABONEMENT ONLINE, E TA POSIBEL:

ESAKI TA NOS CUENTA:

SUNMAX PRINTERS - STA. CRUZ 110

BANCO: RBC

NUMBER DI CUENTA: 7700000100152447

**DI ANTEMANO,
MASHA DANKI.**

SOLO DI PUEBLO



Ainda tin algun cupo habri pa aplica na Kleuter di SKOA

Oranjestad, Aruba: SKOA ta informa cu tin algun cupo so habri pa aplicacion pa inscribi muchanan cu ta bay cuminsa kleuter e aña aki. Mayornan cu ta interesa por scoge pa aplica nan yiu(nan) na diferente scol di kleuter cu ta resorta bou di SKOA, por bishita www.skoa.aw pa haya un bista y mas informacion di e scolnan di kleuter.


Por haci aplicacion pa inscribi na kleuter completamente online via website www.skoa.aw. Por aplica via email na aplicacion@skoaw.aw. Tambe por aplica via WhatsApp na +297 748 5995. Ora di aplica digital mester manda tur documentonan cu ta necesario pa asina por cumpli cu e proceso di inscripcion debidamente. Pa mayornan cu ya caba tin yiu inscribi na SKOA por haci aplicacion di e yiu cu ta bay cuminsa kleuter via e sistema di SAS.

Si ta desea mas informacion tocante aplicacion na un scol di kleuter di SKOA por bishita e website www.skoa.aw of por yama na liña directo +297 523 1800 den orario di oficina. Nos ta recorda mayornan cu ta interesa pa haci aplicacion mas pronto cu ta posibel paso no tin hopi luga mas pa kleuter pa e proximo aña escolar.

Premier Evelyn Wever - Croes:

“ASPIRA SOÑA Y PENSA RIBA KICO BO KIER BIRA Y BAY PE”

Na caminda pa Dia Internacional di Hende Muhe



Tur aña dia 8 di maart, mundialmente ta celebra Dia Internacional di Hende Muhe. Riba e fecha aki paisnan rond mundo ta refleha riba logronan di hende muhe den diferente aspecto y ta conscientisa riba temanan relevante pa de hende muhe.

E aña aki, Prome Minister Evelyn Wever - Croes su mensahe pa tur hende muhe y mucha muhe na Aruba ta pa, aspira soña y pensa riba kico bo kier bira y bay pe! Nada ta imposibel den bida si bo studia, sigui bo meta cu determinacion y nunca give up. E hende muhe Arubiano dia pa dia ta

progresando den tur aspecto. Laga nos sigui empodera otro pa asina den union y positivismo nos logra cosnan grandi pa nos pais.

“Cada un di nos tin nos luz propio, ban uza e luz aki pa ilumina e caminda pa esnan cu ta depende di nos. Tin luga den e universo aki pa nos tur por crea nos luz. Nos no mester paga luz di ningun otro hende pa di nos briya mas.”

Feliz Dia di Hende Muhe na cada ser femenino cu tur dia ta traha duro pa hiba nos famia dilanti y hiba Aruba padilanti.



Prome Minister Evelyn Wever-Croes

Den nomber di paisnan den Reino Hulandes,

PROME MINISTER A DIRIGI UN DISCURSO DEN E DEBATE GENERAL CSW 67 NA NACIONNAN UNI



Na Nacionnan Uni, New York ta tumando luga e debate general CSW 67, Commission on Status of Women. Un biaha mas, Prome Minister ta lidera e delegacion di Reino Hulandes. Diamars atardi, Prome Minister a dirigi su discurso riba e tema di Hende Muhe y Tecnologia enfatisando kico Aruba ta haciendo pa

promove participacion di hende muhe den e area di tecnologia y innovacion.

Durante su discurso, Prome Minister a enfatisa riba e impacto cu e transformacion pa digitalisacion tin riba e bida diario di cada persona. E transformacion aki a trece cu ne hopi oportunidad pa loke ta



trata igualdad di genero pero tambe hopi riesgo. E ta keda na nos como hende muhe pa probecha di e oportunidadnan cu innovacion digital tin pa ofrece. E representacion di hende muhe den STEM, ICT Y R&D ta hopi crucial mirando cu ainda esakinan ta ser domina pa e ser masculino.

Prome Minister a splica cu mundo henter ta confrontando retonan grandi pa cu inflacion y cambio climatico y a realiza cu e contribucion di tur genero ta necesario pa por enfrenta e retonan. Pa cu esaki mester uza

e potencial grandi cu hende muhe tin den esaki. Hende muhe y mucha muhe tin potencial grandi pa contribui na un futuro berde y digital lagando niun hende atras y p'esey nan participacion igual den esaki ta necesario.

Na Aruba, e laboratorio nacional di innovacion, tin como meta pa crea interes di mucha muhenan jong pa sigui un carera den ciencia, tecnologia, ingenieria of matematica. Universidad di Aruba tambe a establece un programa di Bachelor, Master y PHD cu enfoca riba desaroyo sostenibel

pa e islanan chikito den desaroyo (SISSTEM) cu actualmente ta consisti di un participacion di 56% di hende muhe.

“Tecnologia ta e caminda pa futuro y ta e area cu hende muhenan casi no ta representa. Awor ta e momento pa nos enfoca y crea mas oportunidad pa hende muhe den e area aki, y sostiene participacion di hende muhe den e area di tecnologia. Sino, nos lo perde tur e avansenan cu hende muhenan prome cu nos a logra. Hunto nos por logra esaki”, Prome Minister Evelyn Wever-Croes a enfatisa.



Minister Geoffrey Wever: Ta importante participa na e Censo Economico 2023



Den e periodo di 14 di april 2023 te cu fin di juni 2023 lo haci un conteo

di tur negoshinan y fundacionan na Aruba. Disponibilidad di y acceso na informacion actual riba e cantidad di companianan cu ta eherce un actividad economico ta necesario ora di traha of adapta maneho economico y duradero di Aruba.

Recientemente Oficina Central di Estadistica a anuncia cu e Censo Economico 2023 lo tuma lugar den e periodo di 14 di april 2023 te cu fin di juni 2023.

Institucionnan cu ta eherce un actividad economico lo wordo puntra pa suministra datonan di, entre otro, nan actividad

economico, e productonan y servicjonan cu nan ta ofrece, e cantidad di empleadonan cu nan tin den servicio, e suma total na salarionan paga na e empleadonan aki y e suma total di nan benta pa aña 2020, 2021 y 2022. Tambe lo wordo puntra na institucionnan pa nan contribucion na e sector di turismo. Institucionnan den e sector di Agricultura, Cria y Pesca ta wordo puntra pa duna mas informacion di nan actividadnan, entre otro e tipo y cantidad di productonan/bestianan cu nan ta produci/cria/ pesca.

Minister Geoffrey Wever ta invita y urgi tur negoshinan pa participa

na e Censo Economico 2023. Participacion di cada negoshi ta esencial pa e Censo Economico 2023 ta exitoso. Revisa y traha maneho pa desaroyo di nos economia ta depende di informacion actual di nos negoshinan y Censo Economico 2023 ta un instrumento esencial pa logra e meta importante aki segun minister Geoffrey Wever.

Si algun empresa of organisacion ta desea un sesion informativo tocante e "Economic Census 2023" por pidi pa esaki na ec2023@cbs.aw of por bishita e website di CBS na www.cbs.aw

**"ORA MI BIRA GRANDI
MI KIER BIRA
PROME MINISTER
DI ARUBA"**

“”
**ASPIRA SOÑA Y
PENSA RIBA KICO BO
KIER BIRA Y BAY PE!**

Feliz dia di Hende Muhe na
cada un di nos cu ta traha tur
dia pa nos famia y pa hiba
Aruba den progreso.

Prome Minister
Evelyn Wever-Croes

8 maart | 2023
**Dia di
Hende Muhe**

Delegacion di Aruba asistiendo na e feria di biahe mas grandi na mundo, ITB Berlin.

A.T.A.: Europa mercado cu reto y oportunidadnan di entre otro Inglaterra, Scandinavia y Suiza



E siman aki diferente miembro di ekipo di A.T.A. di Aruba y Europa, como tambe AAA, AHATA y socionan den industria turistico ta presente na Berlin, pa asisti na e feria di biahe ITB Berlin, pa prome biaha den 3 aña den forma presencial. ITB ta trece profesionalnan den mundo di biahe hunto y tin como meta pa duna oportunidad pa socionan existente den e industria topa y fortalece

relacionnan y a la vez ta habri porta pa socionan nobo posiciona nan mes.

Den transcurso di e siman, e ekipo di A.T.A. lo reuni cu diferente aerolinea manera Ving, Alpitour, y KLM. Tambe lo reuni cu representante di hotelnan y Tour Operadornan di Europa y cu socionan di AHATA referente e mercado di Europa y cu e agencia di publicidad di A.T.A. pa Europa, esta

DEPT.

E booth di Aruba ta conta cu presencia di 8 diferente hotel, tour operador y compania di Aruba cu a atende e evento. Esaki sigur ta un bon indicacion di e interes cu tin pa e mercado aki. 2023 ta inclui retonan pa e mercado aki, como tambe oportunidadnan. British Airways

E oportunidad clave ta introduccion di British Airways cu vuelonan directo entrante 26 di maart. E meta ta pa crece e mercado di Inglaterra cu 25.56% na 2023 compara cu 2019. Ving cu vuelo non-stop di Suecia y enfoke ta continua riba Suiza

Tambe ta contento di informa cu Ving lo ta operando un vuelo non-stop for di Suecia for di october di e aña aki te cu maart 2024. E vuelo aki lo dirigi su mes riba e mercado di Noruega tambe, cual ta brinda mas oportunidad pa sigui diversifica. Mester agrega cu a finalisa investigacion necesario pa asina sigui defini strategia pa e mercado di Suiza, cu ta un mercado cu ta parti di A.T.A. su mercadonan pa investiga y posiblemente amplia den 2023/2024, incluso contando cu vuelonan debido. Esaki lo sigui haya atencion durante ITB.

E mercado Europeo a sera cu un grado di

recuperacion di 95% compara cu 2019 y e meta ta pa sigui crece e aña aki. Na januari 2023 98,942 bishitante stayover a yega Aruba. Entre nan 6,562 bishitante, cu ta 6.6% a bin for di Europa. E 3 mercadonan di Europa cu a trece mas bishitante Aruba den januari 2023 tawata Hulanda, Suecia y Alemania. E aerolinea mas grandi for di Europa ta KLM cu tawata tin 3.0% di e cantidad total di bishitante den januari 2023.

A.T.A., AAA, AHATA y socionan den industria lo sigui traha hunto pa yega na e recuperacion y crecimiento den cada un di e mercadonan aki.

Minister Rocco Tjon: A BISHITA DEPARTAMENTO DI ASUNTONAN SOCIAL DEN CUADRO DI E DESAROYONAN PA CU E DEPARTAMENTO



Recientemente, Minister di Husticia y Asuntonan Social Sr. Rocco Tjon a bishita Departamento di Asuntonan Social (DAS), caminda a haya e oportunidad pa sinta cu e directiva y e empleadonan pa asina brindanan informacion di e desaroyonan pa loke ta e departamento aki. Na mes momento a logra combersa cu nan y scucha di nan banda kico ta nan pensamentonan y nan necesidadnan pa cu e desaroyo di nan departamento.

Durante e bishita aki, a logra combersa cu e personal, caminda a toca diferente aspectonan cu ta toca e reorganizacion cu lo tuma luga dentro di poco, pero tambe a scucha di nan banda kico ta nan ideanan y preocupacionnan como tambe kico nan ta wak cu lo mester tene cuenta cune. Pues, un mainta hopi fructifero, y parti merdia a haya e oportunidad pa combersa cu tur e afdelingshoofden, caminda e chefnan a trece diferente puntonan padilanti, puntonan cu sigur Ministerio di Husticia y Asuntonan Social lo tene cuenta cune.

Aki no ta trata solamente e partinan di material of parti di proyectonan cu ta wordo ehecuta, pero particularmente tambe cambionan cu nan mes ta desea di wak cristalisa den cuadro di e reorganizacion cu ta na caminda, y con nos lo por adapta mucho mas miho na e demanda cu ta wordo poni riba DAS den e caso aki.

Segun e Mandatario, un parti hopi interesante di e bishita aki tawata e hecho cu a logra combersa cu e personal di e diferente seccionnan na DAS y scucha di nan banda e diferente angulonnan cu nan ta wak di cierto proyectonan cu mester wordo mehora. Na final di dia, a haya oportunidad pa combersa cu e directora y e directora suplente di DAS, caminda a traha palabracionnan concreto di con ta bay percura cu e puntonan cu a wordo treci padilanti door di e personal wordo ehecuta. Pues, un dia sumamente positivo, caminda por sigura cu e tipo di bishitanan aki lo continua durante e añanan binidero, y entre otro na Departamento di Asuntonan Social tambe.



Suzuki a bay cay den rooi na Sabana Liber



Sabana Liber - Diadomingo anochi rond di 8'or polis a bay poco pura den e bocht pabou di Wei Ming Supermarket unda un auto a bay cay den e rooi.

Polis na su yegada a topa cu un auto color blanco Suzuki cu nanishi den e rooi.

E chauffeur no tawata herida. Polis a papia cu ne y e la conta cu un piesa a kibra bou di e auto, causando cu e la perde control y baha bay den e rooi.

Takelwagen mester a presenta pa ranca e auto y hibe e cas.



Paga bo boet



Ministerio Publico a recientemente cuminsa traha cu un programa nobo pa cobra boet di trafico. E programa aki yama Paga bo

boet (Pbb). Polis tambe ta forma parti di dje via un conexon directo cu nan sistema yamá ACTpol. Di awor pa dilanti tur boet cu polis duna den trafico lo drenta mes ora cerca OM. Esey ta haci cu cobramento di boet lo bay mucho mas rapido cu antes.

Simultaneamente polis lo cuminsa traha tambe cu un version nobo di e boet di trafico. Entrante prome di maart 2023 polisnan lo ta trahando cu e boet nobo aki. Na idioma Hulandes e boet aki yama un oproepingsprocesverbaal of un opv. E opv cu e ciudadano lo haya den su man di awor pa

dilanti, ta contene mucho más informacion, tanto pa polis como pa e ciudadano mes.

Riba e opv lo ta menciona tanto e suma di e boet, como un asina yamá opv-nummer. Ora di duna e boet, polis lo yena e hoki cu e suma correspondiente. E opv-nummer ta bin para mas ariba di e formulario y ta bay cuminsa semper cu e cifranan 297.

Esaki ta significa cu e ciudadano lo no tin mester cu warda mas pa haya un carta na cas di Ministerio Publico pa haya sa con halto su boet ta pa asina por pague, manera tabata e caso antes. E mes por wak riba e opv cu el a haya den su man di polis kico e suma di su boet ta y kico su opv-nummer ta.

E ora facilmente e por paga online of na balie di Ministerio Publico. Paga online por via cuenta bancario 4000905 na Arubabank bao mencion di e suma di e boet y e opv-nummer. Na balie di Ministerio Publico (Rumbastraat

29 na Camacuri) por paga despues di haci un afspraak riba www.omaruba.com. OM no ta tuma mas pagonan cash. Riba diabierna balie ta cera pa publico.

Riba e opv ta para tambe un asina yamá oproepingsdatum. Esey ta e fecha riba cual e ciudadano cu a haya e boet mester presenta dilanti huez di trafico. Polis ta pone e fecha aki duidelijk riba e opv. Si e persona paga su boet na ora, anto su cita pa presenta dilanti huez ta bin na caduca.

PUEBLO A HAÑA SU PEN BEK

Pa kualkier informacion
solodipueblo@gmail.com

of
585-9500

Dia 8 di maart dia di reflexiona riba e lucha cu a wordo hiba pa muhernan balente

Dia Internacional di Hende Muher, 8 di maart, honrando e logronan y promoviendo e derechonan di hende muher, celebra den hopi pais na mundo, y patrocina pa United Nations desde 1975.


Dia Internacional di Hende Muher a surgi di e esfuersonan na comienso di siglo 20 pa promove e derechonan di e ser femenino, specialmente e derecho di voto. Den e campaf\ a di derecho di voto aki, na af\ a 1909, e partido Socialista na Merca, a tene nan prome Dia Nacional di Hende Muher, cu encuentronan masivo na henter e pais, cu a tuma lugar te cu af\ a 1913. Tur esaki, marcando e 50 afia di e protesta brutal di e hende muhernan na New York City, trahando na fabricanan di pafia y tela, bringando pa nan derecho igual di pago y orario di trabou.

Encurasha pa e activista Aleman, Clara Zetkin, e Congreso Internacional di Socialista a bai di acuerdona 1910 pa crea un version internacional di e dia di fiesta Americana. Y asina dia 19

di maart 1911 e prome dia Internacional di Hende Muher a wordo celebra na Austria, Denmark, Alemania y Switzerland. Mas cu un miyon persona a atende e encuentronan cu a marca e dia. Durante e siguiente afianan e Dia Internacional di Hende Muher a sigui wordo celebra den mas pais y riba diferente fechanan. Dia 8 di maart 1917, hende muherman na St. Petersburg na Russia, a marca e dia, door di organisa un welga pa protesta e faltad i cuminda, mal condicion di bida y e prome guerra mundial. E welga di "pan y paz" aki a yuda e revolucion rusiano crese, cu e consecuencia cu a baha Nicholas II for di su trono dia 15 di maart. Na 1921, e fecha official di Dia Internacional di Hende Muher a wordo cambia pa dia 8 di maart.

Cu e cresemento di feminismismo den ananan 1960 y cu e patrocinio di UN na 1975, awendia e dia aki ta un ocasion importante pa promove e ser femenino su problema- y derechonan.

Mi kier a desea tur Hende Muher, hopi perseverancia y principalmente stima bo mes.



Stichting Avondonderwijs Aruba ta anuncia e fecha pa e instaptoets di Avondmavo pa aña escolar 2023-2024

Oranjestad- Directiva di Stichting Avondonderwijs Aruba (SAA) kier informa e comunidad di Aruba cu tin e posibilidad pa inscribi pa e instaptoets di Avondmavo te cu dia 14 di maart 2023.

E instaptoets aki ta pa personanan cu kier inscribi pa aña escolar 2023-2024, pero no ta cumpli cu loke ta wordo rekeri pa por drenta Avondmavo.

Pa mas informacion tocante e exigencianan por consulta e website di Avondmavo: www.avondmavoaruba.com.

Den caso cu no ta cumpli cu loke ta necesario pero ta desea di inscribi na Avondmavo e ora lo mester participa na e instaptoets. E instaptoets aki ta determina si bo lo por bin na remarca pa inscribi pa drenta klas 2 di Avondmavo den e aña

escolar nobo.

Pa inscribi pa e instaptoets ta rekeri lo siguiente:

1. Un copia di un ID valido;

2. 25,- florin di inscripcion. E suma aki por wordo paga via banco of via swipe na oficina di Avondmavo. Number di banco: Aruba Bank 6028090190. Please tene na cuenta cu no ta tuma efectivo (cash). Ora di paga via banco nota bo number completo.

Inscripcion ta tuma luga via nos website: www.avondmavoaruba.com

Tene cuenta cu e inscripcion ta completo ora tur documento ta uploaded.

E instaptoets mes lo tuma luga dia 22 y 23 di maart 2023 parti mainta. Mester participa na ambos dia pa e instaptoets por ta completo.

Pa cualkier informacion



por tuma contacto cu oficina di Avondmavo na telefoon: 583-3779

of via e-mail na info@avondmavoaruba.com

Directora di Avondmavo

Cambia perspectiva tocante obesidad: Sa bo number y midi bo peso

Na Aruba mas di 75 % di e poblacion di 20 aña of mas tin sobrepeso of obesidad, cu'n 43% di sobrepeso y un 36% di obesidad (Investigacion di Salud, GOA, 2017, DVG). Esey kiermen cu mas of menos 1 den cada 3 di nos poblacion adulto di 20 aña of mas, ta sufri di obesidad. Lastimamente majoria di nos no ta consiente di nos peso real y su consecuencia pa cu nos salud. Tin sobrepeso of obesidad ta un factor di riesgo grave pa desaroya malesanan cardiovascular y diabetes tipo 2 y ta un contribuyente grandi pa morto prematuro.

E indice di masa corporal real (BMI) promedio di e poblacion entre 25 y 64 aña ta 30.1 kg/m², indicando cu e persona promedio na Aruba ta obeso.

E investigacion di Salud na 2017 haci door di DVG a indica cu ora compara e BMI cu e percepcion di e persona su propio peso, ta keda bon kla cu hopi hende tin un percepcion robes y en realidad tin mas peso cu e ta pensa.

Pa esnan cu ta pensa cu nan ta flaco di mas en realidad 60% tin peso normal, y pa esnan cu ta pensa cu nan tin peso normal en realidad 73% tin sobrepeso.

Esnan cu ta obeso, un den cada 3 ta pensa cu nan tin sobrepeso y no ta realisa cu en berdad nan ta obeso. E percepcion robes aki por ta hopi negativo pa e salud.

Pesey cu e campana SABONUMBER nos di DVG, IBISA y POHers kier consentisa nos poblacion y encurasha tur hende pa midi en realidad nan peso. Bo tin obesidad na momento cu bo tin un acumulacion exceso di vet cu ta forma un peligro pa salud. Un di e metodo pa determina obesidad ta e midi di cintura.

Si bo ta hende homber y bo midi di cintura ta 102 cm (40 inch) of mas of hende muher cu un midi di cintura 88 cm (35 inch) of mas, bo tin vet di mas rond di bo cintura. Por favor acudi na DVG Aruba su plataforma di media social Facebook of Instagram pa nos video cu ta demonstra con pa midi e cintura.

Obesidad y vet dimas rond di cintura ta hisa bo riesgo pa haya malesanan cronico manera diabetes (malesa di sucu), presion halto, problema di lomba y rudia, malesa di curason y ader y cierto tipo di cancer.

Obesidad ta un resultado di diferente factor paden y pafo di nos control. Factornan biologico y genetico ta pone algun di nos na mas riesgo. E ambiente fisico y social tambe por impacta e abilidad di un persona pa por hiba un bida saludabel y kisas expone e

persona na cuminda insaludabel. Den nos próximo articulo lo elabora mas riba e parti aki.

Pa mas informacion acudi na bo dokter di cas, POHers, DVG, of IBISA of bishita e website: www.worldobesityday.org



UN BISTA HISTORICO DI E LUCHA DI HENDE MUHE PA DERECHONAN IGUAL



Ora hende lesa e historia mundial, ta resalta cu hende homber tabatin tur derecho y e hende muhe su unico derecho tabata pa haya y cuida yui, cushina, haci cas limpi, laba paña y complace e homber. Protesta contra esaki tabata ser resolve pa e homber cu mokete loke tabatin como resultado hopi biaha, morto di e hende muhe. Violencia contra hende muhe ta existi desde principio di mundo. Hasta e Biblia ta menciona tratonan cruel contra hende muhe den Testament Bieu (Huez 19 -21). Ta Cristo Hesus ta esun cu a mostra compasion pa un hende muhe den Testament Nobo (Juan. 8) unda un grupo di hende homber kier a piedra un hende muhe cu a comete adulterio. Hesus a bisa e palabranan famoso: “esun di boso cu ta SIN pica, laga e tira e prome piedra! Ningun homber a tira un piedra y un pa un a bay for di e luga ey. Ripara cu pa por papia di adulterio tin mester di dos hende, un hende homber y un hende muhe. Sin embargo, no ta ser menciona ningun homber cu nan lo tira mata cu piedra!

Prome cu mitad di siglo 19 ningun teoria di violencia domestico ta ser menciona. E motibo tabata cu violencia domestico no tabata ser reconoci como un problema social, pasobra un famia tabata ser mira como un entidad priva. Na 1848 a ser organisa un Conferencia pa un grupo di hende

muhe feminista na Seneca Falls USA. Nan tabata exige e derecho di por vota. Despues a sigui un movimiento feminista na 1960 y 1970 cu tabata condena violencia domestico contra e hende muhe y e hecho cu hende muhe no tabatin e mesun derecho cu e hende homber. E hende muhernan aki tabata ser humiya publicamente. Nan tabata ser yama pa LOCO y Prostituta. Pero a sosode dos hecho, cu a hala atencion di henter e nacion tocante e problema di violencia domestico contra e hende muhe: 1. E asesinato di Nicole Simpson y su amigo pa su ex casa, e famoso futbolista americano O.J. Simpson y tambe pasobra su condena a ser televisa y a yama e atencion di henter pueblo Americano y 2. E película tocante e bida violento di e famoso cantante Tina Turner. Na 2002 e World Health Organization (Organizacion Mundial di Salud), a reconoce violencia domestico como un problema di salud global. Poco poco, e lucha pa reconoce e derechonan di hende muhe a cuminsa crece.

Na Hulanda un grupo di Feminista bou liderazgo di Wilhelmina Drucker a lanta y tabata exige derechonan igual. Nan a haya e nomber despreciativo di “Dolle Mina” (1880 -1925). Mundo henter conoce e caso di Malala Yousafzai, un mucha muhe jong di 14 aña cu tabatin e curashi di exige e derecho pa mucha muhernan bay scol. El a ser tira pa e Taliban hasta den su cara, pero el a sobrevivir y a haya e chens di bay biba y studia na USA. El a ricibi e Premio Nobel di Paz pa su valentia y pa su constante lucha pa mucha muhernan haya e derecho di bay scol, especialmente na paisnan unda mucha muhe y hende muhe ainda ta ser oprimi.

E Declaracion Universal di Derechonan Humano y e Convencion pa e proteccion di Derechonan Humano y Libertad Fundamental, a ser firma dia 10 di december 1948 na Paris. El a ser traduci na 500 idioma. E prome articulo ta proclama cu:

1. Tur ser humano ta nace liber y igual den dignidad y derechonan.....
2. Tur hende tin e mesun derecho y libertad menciona den

e Declaracion aki, sin ningun distincion manera raza, color, sexo, idioma, religion, opinion politico of otro opinion, origen nacional of social, propiedad, nacemento, of otro status.....

3. Tur hende tin e derecho di biba, libertad y seguridad di su persona.....

E Declaracion aki di Derechonan Humano ta ofrece proteccion contra abuso di hende muhe basa riba e tres articulonan aki.

Na 1979 a ser adopta pa e Nacionnan Uni e Convencion pa eliminacion di tur clase di discriminacion contra Hende Muhe, tambe conoci como CEDAW. E Tratado aki ta conoci di duna proteccion na tur hende muhe na mundo.

Na 1994 e Tratado Inter-Americano, tocante e Prevencion, Castigo y Eradicacion di Violencia contra Hende Muhe, miho conoci como “Tratado di Belem do Para” a ser adopta pa e Organiscion di Estadonan Americano (OAS). Den su preámbulo a sr menciona cu violencia contra hende muhe ta “un manifestacion di e poder historico di relacionan inigual entre hende homber y hende muhe” (refiriendo na Patriarchismo y Machismo).

A pesar di e Tratado valioso aki, ainda na Centro y Sur America, e hende muhe en general, Hopi Biaha NO ta ser trata igual. Te dia di awe varios hende homber di paisnan Latino, a yega di tira acido riba nan (ex)pareha pa castiga y mutila nan pasobra esakinan a bandona nan pareha pa motibo di maltrato.

Na 2003 e Maputo Protocol tocante Derechonan Humano y di Hendenan Muhe na Africa, a ser firma pa protege hende muhe contra polygamia, mutilacion vaginal, discriminacion, casamento di mucha muhernan menornan di edad, trabou den campo, esclavitud, protistucion, etc. Maske e Tratado aki ta pretende di protege e hende muhe, te dia di awe, ningun corte Africano a yega di trata un caso di maltrato of violacion (rape)!

Na 2014 e Convencion pa preveni, proteha, y persigui violencia contra hende muhe na Europa, a ser ratifica, kier meen a drenta na vigor. Pero na 2018 algun ministronan y parlamentarionan,



especial-mente di Bulgaria, apoya pa cierto medio di comunicacion, a opone contra esaki y a sali afo pasobra nan a trece padilanti cu e Tratado aki lo ser uza pa reconoce hende transgenero, y matrimonio di mesun sexo. Nan a hiba e problema aki nan Corte Constitucional, cu a dicidi cu esey ta contra e Constitucion di Bulgaria y a consecuencia NO ta conta pa nan.

A pesar di e Tratadonan ariba menciona, hopi hende muhe na mundo ta indefenso, especialmente na paisnan na Asia, India, y Medio Oriente. Siman pasa a ser publica cu na Iran sustancianan a ser mezcla den cuminda di mucha muhernan pa haci nan malo pa asina stroba nan di bay scol. Na Nigeria, Africa, tin tribunan cu ta secuestra mucha muhernan (Boko Haram) y abusa di nan. Pa e motibonan aki un Tratado nobo, yama “The Every Woman Treaty” ta ser designa pa un grupo di hurista internacional, pa crea un Tratado cu por tapa tur “buraco” den ley, cu ta stroba e ley di ser aplica contra derecho di hende muhe rond mundo, cu otro palabra: cu ta valido internacionalmente.

Mara esey por bira realidad y hende muhe por disfruta mundialmente di tur e derehonan cu hende homber tin.

Mr.dr. Alida (Lily) Rasmijn Marval

Prome Minister Evelyn Wever-Croes:

PROME MINISTER A ATENDE CONFERENCIA “TODAS CONECTADAS” TOCANTE INCLUSION DIGITAL DI HENDE MUHE



Latino America. Hende muhe tin mester di conexon digital pa por tin bon comunicacion y tin acceso na tur informacion riba diferente tereno. Banda di Prome Minister Wever - Croes, Ministernan di Peru y Uruguay tambe tabata presente.

Prome Minister Wever - Croes no tabata planifica pa hiba palabra na e ocasion, sinembargo esnan presente tabata interesa den su opinion y e posicion di Aruba acerca di e tema aki. Premier Wever - Croes a splica cu pa Aruba e ta importante pa atende cu inclusion di hende muhe awo. A elabora riba e impacto di diferente crisis, e retonan cu hende muhe ta enfrenta den area di tecnologia y locual Aruba ta haciendo riba e tema di inclusion di hende muhe via e Gender Policy, Proyectonan di Futura (STEM) y Facultad di Ciencia y Tecnologia na Universidad (SISSTEM).

Na Aruba ta mira cu hende muhe a yega posicionnan halto den comunidad, pero awo ta

trahando pa percursa cu tin un fila di hende muhe prepara tambe pa sigui asumi e posicionnan aki den futuro. Prome Minister Wever - Croes a splica cu pa logra esaki e ta importante pa: (1) surpasa bareranan structural cu ta stroba desigualdad di genero, (2) Aumenta siguridad di trabou decente pa hende muhe, (3) aumenta acceso na husticia pa hende muhe, y (4) atende cu e cuido di salud cu tin di haber especificamente cu hende muhe.

Manera cu a menciona anteriormente, Prome Minister a elabora riba proyectonan di Futura. Na e ocasion a splica di diferente iniciativa cu a tuma luga den area di Science, Technology, Engineering and Mathematics (STEM) y SuperNova, cu e meta pa lanta interes den mucha muhenan den direccion di ciencia y tecnologia

E otro tema cu Prome Minister a elabora riba dje ta e facultad di

Sustainable Island Solutions in Science, Technology, Engineering and Mathematics (SISSTEM) na Universidad di Aruba.

Esaki ta otro muestra di e preocupacion cu tin pa inclusion di hende muhe y tur e esfuerso cu ta haciendo pa percursa cu pusha hende muhe pa desaroya nan mes den e area aki.

Prome Minister a sigui splica cu pa hende muhe wordo educa den e area aki no ta e unico reto, sino cu mester percursa cu nan ta caba e estudio, haya trabou den e area cu nan a studia y keda na trabou, no obstante stereotiponan y circunstancianan.

Finalmente, Prome Minister a enfatisa cu no por logra esaki sin e esfuerso y trabou conhunto di tur stakeholder. P'esey e ta importante cu e sociedad civil, incluyendo defensoran di derecho di hende muhe tin e espacio y capacidad pa eherce e rol aki.

E siman aki Prome Minister Evelyn Wever - Croes a forma parti di e conferencia “Todas Conectadas” na New York, cu a wordo organisa door di Minister di desaroyo di Panama Maria Ines Castillo, hunto cu Mastercard y Microsoft. Meta di e iniciativa ta pa percursa pa logra inclusion digital di tur hende muhe den



Polis a confisca un quad racer y un scrambler na Rooi Lamoenchi



Dialuna atardi a drenta informe di cu tin sonido di racemento na Rooi Lamoenchi, mesora a

dirigi un patruya na e sitio. Na yegada di e patruya a nota 2 quad racer y un scrambler, mesora

a para nan y a atende cu nan. Polis a confisca e vehiculonan aki pasobra nan lo no tin papelnan



di nan na ordo. Mientras cu a spera riba e takelwagen e hobennan a bisa cu nan no tabata core riba caminda publico y cu esaki ta nan diberticion riba tereno priva, ademas a bisa cu un di e quad racernan tin su papel regla na ordo no mas

cu e no tin e cun'e. Un rato despues e mayornan di e hobennan a presenta cu e papelnan di un di e quad racernan na ordo y polis a debolbe nan e quad racer ey pero e otro nan si nan a bay cun'e den beslag.

Polisnan di barrio Oranjestad si a tuma na serio e asunto di pedofil den Tanki Leendert y ta actuando!

Diamars mainta e polisnan di barrio encarga cu Oranjestad (distrito 1) a presenta na Tanki Leendert unda e peruano PEDOFIL ta sigui haci su cosnan y a constata varios irregularidad nan a descubri un camara dirigi fuera di su propiedad pa a spiona e muchanan bisiña.

E oficialnan no a basila y a yama D.O.W. pa asina bin controla e parcela di e

peruano unda e peruano a pone un trailer ilegalmente y tambe un afdak construi sin permiso di D.O.W. Polis a duna e peruano ordo mas pronto cu ta posibel kita e camara poni den un forma contra ley. D.O.W. a duna e peruano 1 te cu 2 luna pa kita tanto e trailer y e afdak ilegalmente construi sin permiso ni mapa alguno.

Hasta autoridad a keda babuca cu coriente y awa a

ser suministra na e trailer den forma dudoso. Polis di barrio a papia palabra directo cu e peruano pedofil aki pa e stop di intimidar e 2 muchanan cu su fechorianan y no chwercha nan mayornan.

E pedofil a priminti di bay kita su cosnan ilegal construi pero D.O.W. a bise kita nan pasobra si no nan mes ta bin kitanan y lo tin consecuencianan grave pa su persona.



Atletanan di Surinam a train cu Rumannan Klaber di Brazil Taekwondo Stichting

Fin di siman pasa dos atleta di Surinam cu a clasifica pa weganan Centro Americano na Costa Rica a train na Brazil Taekwondo Stichting hunto cu rumannan Klaber y coach Clifford Rasmijn di e team di Train Hard Fight Smart.

Samaki Pinas a clasifica den e categoria -68 kilo y Tosh van Dijk a clasifica den e categoria -80 kilo. Samaki Pinas y Tosh van Dijk ta bon amigo di Brazil Taekwondo Stichting su team di Train Hard Fight Smart cu semper a participa na Surinam den e campeonato di TK5. Aruba tin e record di copa gana na Surinam.

Amiena Jurmen a coach e atletanan di Surinam na Costa Rica y tabata hopi contento cu su dos atletanan por a train na Brazil Taekwondo Stichting. Tosh van Dijk a haña oportunidad di rek su pìanan largo un rato. Amiena Jurmen a confirma cu nan lo bolbe Aruba bek pa participa den e Best of the



Best TrueScore Series cu ta bay tuma luga na Aruba.



drs. Mervin Wyatt-Ras:

Problema na hospital ta causa pa boycott di Minister Dangui Oduber

Parlamentario drs. Mervin Wyatt-Ras ta lamenta cu gobierno no por a yega na un solucion cu SOGA y contratista OHL Arellano, motibo pa cual e contratista a bandona nos isla. Esey Wyatt-Ras a expresa diamars mainta durante conferencia di prensa semanal di Partido di Pueblo Arubano (AVP) cu a biaha aki a tuma luga dilanti di sede di Fundacion Lotto pa Deporte.

Hunta di Directiva di Dr. Horacio E. Oduber Hospital (HOH) a manda un carta dia 3 di maart 2023 ultimo pa miembronan di su personal, informando nan cu e contratista a para trabou door di un disputa. Por a compronde cu e contratista OHL Arellano no por a traha mas cu Stichting Onroerend Goed Aruba (SOGA), basa riba diferencia di opinion, cual a pone cu e contratista a dicidi di bandona nos pais rumbo bek pa Merca.

Esaki, segun Wyatt-Ras a indica, tin su impacto no solamente riba e pashentnan, pero tambe riba tur empleado di e contratis-tanan local, kende abruptamente a keda sin trabou. Den resultado, e proyecto di ampliacion y renobacion di nos hospital, ainda ta bay conoce un aumento den su retraso. "Tur hende

sa tambe cu e minister en-carga cu salubridad publico nunca tabata di acuerdo cu e contratista OHL Arellano, paso segun e, nan no mester a gana e destaho y su preferencia tabata pa un compania," asina e parlamentario di AVP a expresa.

Mas aleu a splica cu tanto tempo cu e minister aki tabata den parlamento, como ora el a bira minister, el a keda haci lo posible pa para e proyecto aki. Y desde cu e ta den gobierno, na aña 2017 te awor na 2023, esta pa 7 aña; el a trata di boicotia a proceso di ampliacion y renobacion y awor el a caba di corona e hecho cu un cantidad di trahado di contratista mester a bay cas.

Di informacion cu Wyatt-Ras a obtene, a compronde cu hustamente tabata renobando e parti bieu y cu mester a keda cla na april di e aña aki. Esaki ta representa apenas un 10% di e trabou y ta loke tabata falta pa keda cla y cu contratista Arubiano por finalisa e proyecto. E expectativa tabata cu, pa april, hospital lo por atende bek e capacidad completo di cliente y tur cos lo a bay bek na normalidad.

E parlamentario ta con-



sciente di situacionnan cu a bin dilanti durante e construccion, manera lekmento y otro. Sinembargo, ta kere cu den tur proyecto di un magnitud asina, semper tin inconveniente y imprevisto cu ta presenta, pa cual partidonan mester por sinta na mesa, dialoga y yega na solucion. Esey ta bira dificil ora bo tin un minister cu nunca a gusta e contratista y ta haci tur cos na su alcance pa stroba nan.

Pa refresca memoria di tur hende, esaki ta e mesun minister cu a core cu director anterior di hospital, a purba core cu director di Directie Volksgezondheid, pero Corte a dicidi cu e tin derecho di keda. Tambe Oduber a core cu director di AZV, a core cu directiva y hunta di supervision di Fundacion Lotto pa Deporte y awo tambe e contratista di hospital, pa su capricho personal di habri caminda pa apunta su aliadonan.

Pa propio admision di e

presidente di SOGA, John Hodgson, "Den tur ocasion anterior cu a surgi un diferencia di opinion, SOGA y OHLA semper a sa di yega na solucion, basa riba stipulacionnan den e contracto di construccion," kico a pasa cu a pone esaki cambia.

FACEBOOK:

Paro den proyecto di hospital tin nomber y fam: Minister Dangui Oduber. Metemento politico finalmente a pone contratista bandona trabou cu consecuencia pa capacidad di hospital y trahadonan cu awo ta riba caya.

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com

Entrega tur dia te den bo port'i cas

Polis a bay Palm Beach pa un accidente hit & run




Diamars madrug a drenta informe di un accidente hit & run na Palm Beach, mesora a dirigi un patruya

na e sitio. Na yegada di e patruya a bin compronde cu aki ta trata di un accidente hit & run unda un

auto a pasa dal un auto estaciona. Polis a tuma tur dato cu e por a haya di e accidente aki.

Na Biblioteca Nacional Aruba nan a ricibi un buki pa mucha nobo pa e coleccion



nacional for di autora, sra. Olga Buckley. Cu orguyo y un sonrisa sra. Olga a entrega 2 ehemplar di su ultimo publicacion. 'Bons slip' ta un buki pa mucha den dos idioma, publica den dos buki sep-

ara. Sra. Olga Buckley a skirbi e buki aki. 'Bons slip' ta un buki pa tur mucha y mayor scucha, lesa y gosa. Louis ta un mucha curioso cu ta gusta e cabey di papi y mami y Louis e ta



gusta cu nan ta diferente, e ta gusta cos dushi y holo dushi. Louis ta purba, mi-shi y mira y ta comparti su

experiencia na un manera positivo y gracioso cu e lesado. Biblioteca tin diferente di

Olga su publicacionnan den coleccion. 'Bons slip' ta obtenibel tambe na libreria.


Dama chauffeur burachi a perde control dal auto y kier a bandona e sitio pero no a logra yega leu!



Diamars madruga a drenta informe di un accidente na Arendsstraat, mesora a dirigi un patruya na e sitio. Na yegada di e patruya a nota enberdad cu un auto a dal riba un baranca y a sigui purba core bay pero

no a yega leu. Polis a topa cu e auto y e dama chauffeur kende tabata burachi. Polis a detene e dama chauffeur burachi aki. Polis a hala e auto un banda. Afortunadamente ningun hende a resulta herida.

Clasificados



SOLODIPUEBLO@GMAIL.COM
CEL. 585 9500

Awor e tatanan di e isla di SABA tambe por participa na Best Dad Ever

Na aña 2017 Fundacion Telefon pa Hubentud Aruba a desaroya y a cuminsa implementa e proyecto Best Dad Ever aki na Aruba. Best Dad Ever ta un proyecto cu ta stimula e participacion di tata den bida di nan yiunan.

Durante 10 sesion e tatanan ta haya informacion tocante conceptonan cu ta informa tocante e rol di e hende homber den bida di nan yiunan. Diferente tema ta ser trata durante e sesionan. E tatanan ta ricibi diferente tips, informacion y conocimiento pa asina nan por ta mas involucra ainda den educacion di nan yiunan. Cuido, violencia, necesidad y derecho di mucha, embarazo y division di cuido ta algun di e temanan cu a ser trata durante Best Dad Ever. Na final e tatanan cu a par-

ticipa na Best Dad Ever ta ricibi un certificado.

For di 20 di februari te cu 2 di maart ultimo Fundacion Telefon pa Hubentud Aruba tawata na e isla di SABA y a duna training na un grupo di trahador social di e isla di SABA. Despues di a ricibi e modulonan correspondiente, e trahadornan social a ser certifica pa por duna e proyecto Best Dad Ever na e isla di SABA. Awor e tatanan di e isla di SABA tambe por participa na Best Dad Ever.

E training na e trahadornan social di Openbaar Lichaam SABA ta den cuadro di e 'kenniscentrum' di Fundacion Telefon pa Hubentud Aruba cu ta exportando conocimiento. Despues di 22 aña di existencia



Fundacion Telefon pa Hubentud Aruba como un 'Kenniscentrum' ta exportando conocimiento na organisacionan gubernamental y no-gubernamental den region. Banda di crea conocimiento y comparti conocimiento, awor Fundacion Telefon pa Hubentud Aruba como un 'Kenniscentrum' ta bai sigui exporta conocimen-

to. Fundacion Telefon pa Hubentud Aruba kier a gradici su partnersnan cu ta tuma nan impacto social hopi serio y ta inverti den nos comunidad. Un gradicimento ta bai na Aruba Airport Authority N.V., Web Aruba N.V., Setar, The Salamander Group y Openbaar Lichaam SABA.

Pa mas informacion tocante Best Dad Ever por tuma contacto cu Fundacion Telefon pa Hubentud Aruba via nos website: 131.aw, Instagram: Instagram: 131aruba, facebook: <https://www.facebook.com/telefon.hubentud/>, email: telhubentud@gmail.com of telefon 5886138/ 5884011.

FORTALEZA PA FAMILIA

Scirbi pa Pastor Marcel Balootje.

E BOS DI UN TATA DEN CAS, TA DI GRAN BALOR

Den e institucion di Dios cu yama matrimonio, Dios a establece un laso entre un homber y un muher pa forma un famia, den cual e homber lo bira e Tata y e muher lo ta e Mama, pasobra nan lo uni sexualmente y produci yuinan pa honor y gloria di nos Dios, pasobra esey ta e mandato di Dios, pa hende por multiplica.

Aunke e sistema di mundo kier kita tur autoridad for di mayornan, hincando muchanan den un libertinahe diabolico, toch nos mester corda cu e bos di un tata den cas ta sumamente necesario.

Ningun Organizacion of Fundacion no por reemplaza e bos di un tata.

Awendia tur tata mester tin un asina yama "Straight Talk" cu nan yuinan, pa asina nan keda riba bon

caminda.

Nos como mayor mester papia cla, pasobra e malbadonan cu kier venena bida di muchanan cu mentira y bagamunderia, ta trece tur sorto di ilustracion y splicacion dilanti pa asina doctrina e muchanan den securidad.

Internet a wordo inventa pa bon, pero tambe tin hopi maldad riba internet, especialmente pa hala atencion di hobennan, manera uso di arma, bringamento y pornografia. Y como tata nos mester splica nos yuinan bon cla sin sconde nada, sin discuti, pero dialoga, y muestra nan den amor di tata, cu Dios a yama bo pa para na cabes di bo hogar, pa muestra kico ta bon y kico ta malo.

Tata ta yama pa ta un lider, y protec-

tor di famia, pa duna un ehempel di amor di Dios, na tanto su esposa y su yuinan.

E mester para fuerte y firme den Fe, pa siña su yuinan, asina evita cu nan ta cay den gara di e enemigo.

No pega soño y spera cu na scol esey ta wordo splica, pero tuma e iniciativa bo mes como tata, y papia, pasobra mas bo por preveni, mas tranquilidad tin den bo hogar.

Un tata no por complace su yiu pa e keda contento y otro banda ta condena su mes y futuro di su yiu. Ora un tata aproba algo cu no ta bon, por ehempel, permiti un mucha muher menor di edad keda drumi na cas di su frei, e tata ta promociona fornicacion, e ta habri porta pa pica, e ta contra ley, y e ta perhudica e mucha su futuro, pasobra hopi cos por pasa.

Pesey no ta tur cos cu presenta mayornan mester aproba, no laga bagamunderia di mundo, bira ley den bo cas.

Abo ta e bos di bon conseho den bo

hogar, pasobra mayan cu Dios kier ta abo tin di duna cuenta na Dios, di locual bo a haci cu e yuinan cu Dios a duna bo.

Tene cuenta cu e spirito di inmoralidad y falta di respet ta rondia hogar di hende, e spirito di violencia y cana cu arma ta tur caminda, y bo bos como tata ta hunga un rol masha importante den bo hogar.

Den 1 Cronicanan 28 : 9 David ta bisa su yiu Salomon bisando: Pa loko ta abo mi yiu Salomon, conoce e Dios di bo tata, y sirbie cu henter bo curason. Pasobra Señor ta scrudiña tur curason, y ta comprende tur intencion di e pensamentonan. Si bo busca Dios E lo lagabo hañe, ma si bo bandone E lo rechasa bo pa semper.

Nos ta den tempo trabahoso, pasobra tur dia nos ta mira con Juan 10:10 ta cumpli riba e isla aki, cual ta recorda nos cu e ladron a bini solamente pa horta mata y destrui. Pero Cristo Hesus a bini pa nos tin bida y pa nos por tine na abundancia.

Presentacion di Payroll Pro HRM na Delfins Beach Resort Bonaire

Diabierna, 3 maart, den e conference room di Delfins Beach Resort, e ekipo di Gamma IT Solutions a duna un presentacion di Payroll y Human Resources (HR) na diferente compania y organisacion na Bonaire.

Gamma IT Solutions ta conta cu oficina na Aruba y na Curaçao y ta e compania cu a trece Payroll Pro HRM riba mercado.

Payroll Pro HRM ta un programa di payroll y HR cu ta wordo uza na Bonaire, Curaçao, Aruba, St. Maarten, Saba, St. Eustatius, Suriname, Jamaica y Guyana. E ta sin duda e programa di payroll y HR mas uza den Caribe.

Durante e presentacion aki e invitadonan a sera conoci cu e programa Payroll Pro HRM y ademas por a disfruta di un dushi coffee break.

Glenn Helena, consultant di Gamma IT Solutions, a trece dilanti informacion tocante e parti di payroll, HR y tambe e mobile app.

Den e presentacion a enfoca riba e eficiencia cu Payroll Pro HRM ta ofrece na su usuario.

Payroll Pro HRM ta facil pa uza y cu hopi funcionalidad pa yuda e ekipo encarga cu e parti di administracion di salario y HR haci nan trabou di un manera mas eficiente.

Ademas, pa medio di e mobile app empleadonan por download nan payslip of loonbelastingkaart, pidi vakantie, meld ziek, tuma contact cu e departamento di HR, pidi time-



back of agrega overtime y wak informacion personal entre otro.

Teiry Croes di Gamma IT Solutions, ta comenta “Nos ta gusta haci e eventonan aki pa nos por interactua cu diferente persona y unda nos ta haya e oportunidad pa por presenta nos software.”

Gamma IT Solutions ta gradici Isabel Winters, Event Manager di Delfins Beach Resort, y full su ekipo pa e tremendo servicio cu nan a duna y pa asisti durante e evento aki.

Pa mas informacion tocante Payroll Pro HRM por bishita www.payroll-prohrm.com.

Paga bo cuenta online ta facil

Sea Abonnement of Aviso

Pago online, facil y lihe

Pa hasi pago online pone number y adres na cuenta di banco RBC Sunmax Printing

account # 7700000100152447

DEDICA NA TUR SER FEMENINO NA ARUBA DIA 8 DI MAART 2023

DIA INTERNATIONAL DI HENDE MUJER

SPECIALMENTE MI YIU MUHER SHAMAIRA RUMANNAN MARIA LOUISA ,
GARDENIA. MI CUNJANAN ANKIE, EMERITA I EDNA BRITTEN.

"MUHER E SER MARAVILLOSO CREASHON DI DIOS. "

"Como muher "
defensa na e ser femenino ta un deber.
"Poder Di Muher."
Mester demostra e lucha cu tin di hiba.
" Balentia i Corahe di muher "
No tin di wanta maltrato ni abuso .

NO TIN MIEDO BOSO TIN PODER, BALENTIA , COREHA I COMO
LIDER POR ELIMINA TUR OBSTACULO.

DEN PALABRA DI DIOS E BIJBEL TA PAPIA DI 12 MUJER BALENTE:


- | | |
|----------------|---|
| 1. SARA : | Mujer jen di Fe, Respetuoso i bunita |
| 2. MIRIAM : | Lider di Alabansa i ta profetisa |
| 3. Rajab : | Kere den Dios i jen balentia. |
| 4. Debora : | Juez , profetisa , lider den guerra |
| 5. RUT : | Leal , trabahado i fiel na Dios |
| 6. Ana : | Mujer di orashon , adora ,fiel na Dios |
| 7. Ester: | Bunita , inteligente, sensata i balente |
| 8. Maria : | Obediente , Humilde , Mama di Dios |
| 9. Priscila : | Profesor , balente , Lider di iglesia |
| 10. Agar : | Sirviente estranjero , obediente |
| 11. Elisabet : | Muher husto dilanti Dios |
| 12. Lidia : | Mujer di negoshi , temeroso di Dios |

Cada un di e muhernan aki ta identifica nos mes.
Muhernan ta liber pa trese solushon no laga otro tuma desishon.
Como lider un muher semper ta destaca sin mester di intermediashon.
Karacter di e muher ta su formashon di bida cu ta fragil , sentimental
para firme Muhernan ban tuma e bastuta den man pesei tin di respete
i stime.

MUHERNAN AÑA 2023 TA UN ANJA DI LUCHA BAN BUSCA DIOS MAS CU
NUNCA ,UNION DEN MUHERNAN LO GANA E BATAYA CONTRA E ENEMIGO.

NO HUZGA , NO ACEPTA MALDAD DI MUNDO , RESPETA TUR HENDE I
LAGA DIOS TUMA E GUERRA DEN SU MAN.

Autor :Omaira I.Rodriguez-Britten



SABIDURIA DEN NOS ALEGRIA

Skirbi pa Ruthy”Lady Ruth”
Vrieswijk-Bergen

Un “ bear hug” pa tur e hende muhenan original, natural y unico crea pa Architecto di Universo.

**Pabien ariba nos dia cu
ta dia 8 di Maart 2023**

Awe un poema prosa cu a sali for di un curason bendiciona di un muhe simpel y inspira : Lady Ruth. Un sra esposa, mama, wela, artista ama di cas, den palabra sofistica : Un domestic Engineer. Un Poeta desde su di 16 anja di edad, ora cu e amor y pasion di skirbi a toca na su humilde curason.



“E STEM CU KIER WORDO SCUCHA”

Muhe ta e hende cu mas ta tende “ e stem” den su curason
Muhe ta e hende cu mas ta sinti emocion y ta cla pa duna pordon
Ora Architecto di Universo a traha e hende muhe
E no a traha un “speaker” of “headphone” grandi mahos p’e
E no tawata kier ningun distraccion
E no tawata kier desorden na monton
Architecto di Universo a crea e ser suave yen di ternura cu mas amor
Mas movecion di pasion y amor den su alma
Mas movecion di sabiduria y amor den su mente
Mas movecion di comprencion y amor den su curason
Y den su curvanan, mas movecionnan sexy

Lamentablemente awe tin cu ta bende nan mes
Nan ta bisti den “outfitnan” manera “upside down” robes
Hopi carni sunu na benta, nan gusta show off y tenta
Nan linja di anzue pa pisca un gentil caballero mulato
Of pa e piskechinan perdi pa pasa tempo cu nan un rato
Y hopi ta esnan cu ta probecha y abusa di e muhenan bunita dorna aki
Ora di kita tur e “layersnan”di “make-up”, ta keda un cara manera perdi
Oh, cu asina hopi manera di topa, sera amistad y cuminsa un bon comunicacion
Ta e carni den carni riba carni so ta nan interes den nan aplicacion?
Ufff, entre nos hubentud tin cu no ta respeta nan mes ?
Kizas, ta cu miedo di keda so tin na nan cabes ?

Berdad cu tin cu mas curva cu otro, mas bunita, zanzan mas grandi
Falso of no, ta yanga nan na un manera mas tripi sacudi
Lubida cu ta Dios a creanan tur original, preto, blanco, geel of cora
Wowonan scur of cla, pero tur cu un curason y alma cu ta inspira
Di paden tin di nan ta desea di ta manera esunnan simpel, humilde y felis
Y tin esnan simpel cu ta desea di ta manera e artistanan propaganda
Mi ta admira esnan cu curashi pa laga pone tatoonan bunita y unico
Pero, Lady Ruth no ta gusta e wenkbrauwman pinta diki diki color blauw
Ya, ta nan tempo di ta moderno ariba e mundo den e espacio aki, aki bao
Di paden, “e stem” cu nan ta anhela pa tende, hopi biaha ta dal den bashi
Nan ta tristo den nan soledad pa un rato, cu gana di yora
Nan aparicion di afor so ta e cos mas importante pa nan tur ora

Lubida di reviva “e stem” cu nan tambe kier tende
Lubida di comporta manera e muhe cu no ta bende
Esaki mi no a chupa for di mi dede
Ta algo cu a pasa berdad cu Lady Ruth , hopi anja pasa
Ora un sra.di Colombia a consehami pa no comporta asina barata
Pa no hasi e mesun fout cu hopi y e tambe a hasi tempo di su hubentud
Na dje, awe ketobay mi humilde gratitud
Awendia e ta biba na Hulanda, den tera frieuw cu awasero
Mientras nos akibandanan, den solo cayente pero placentero

Mi futuro casa a conosemi sin make-up, cu un bistir cora kima, sexy clasico
Nada di carni di mas, nada sunu ni preta di mas
Ela enamora di mi “paden” cu mi alegria unico y fantastico
Ela enamora di mi, bailando, bistiendo bril, cu mi cabey largo
E gusta dunami sunchi na mi boca sin lipstick binja of cora
E tawata sa, cu , locual e a mira, ela hanja, nada falsifica
Ela bira mi pisca corra , cu te awe nos relacion di amor den union di amor y pas
Ela bira mi esposo guapo inteligente yen di sabiduria
Mi ta ketobay e hende muhe felis enamora cu hopi gradicimento y alegria

Awe riba Dia internacional di Hende Muhe, celebra tambe aki na Aruba
Nos por para keto y reflecciona, con nos como muhe por yuda
Nan ta lanta organisacionnan pa sostene otro
Pero en realidad e porta ta habri pa unicamente esnan yama “sudia gradua”
Un sorto di discriminacion, pa esnan hoben , hoben adulto of grandinan cu tambe tin talento
Nan ta midi inteligencia ariba papel y no e experiencianan di bida
Nan ta midi buniteza den moda na outfitnan caro cu por cumpra y bisti
Nan tin hopi mas pa sinja, hopi mas pa comprende y acepta
Cu no ta bo titulo ta esun cu tin cu wordo mas balora
No tin prijs pa E hende muhe, manera Mama Teresa, cu a duna su bida pa amor
Y ta” e stem” ey, nos tin cu sigui, ora e papia cu nos awe, awor
Den e temponan aki, cu tin hopi “ups and downs” pasando
Laga’mi sigui wanta na “mi stem” di fe, bailando, cantando y recitando
Mi no ta envidia ningun , desea tur un felis Dia, y sigui “mi mesun stem” mi mesun vos,
Esun cu mi a hanja hopi anja pasa for di mi Bon Dios.....



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 07 Maart 2023 Merdia

CATACHI	
Sorteo # 3848	
3161	
1651	
7268	
MULTI-X	
X5	
BIG 4	
Sorteo # 3848	
1887	
DIFF	
Sorteo # 1904	
9413	
ZODIAC	
Sorteo # 3848	
3528	
Aquario	
LUCKY 3	
Sorteo # 722	
725	
MULTI-X	
X3	

LOTTO 5	
Sorteo #	Joker Letter
0 x Jackpot	Proximo Jackpot
0 x Match 4+	
0 x match 4	
0 x Afl. 12,00	
500.000,-	

LOTTO DI DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	
52.000,-	

MEGA	
Sorteo #	Mega Ball: Proximo Jackpot
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	
330.000,-	

MEGA IRUS	Afl. 430.000,-
------------------	-----------------------

KORSOU	
Sorteo #	



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 06 Maart 2023 Anochi

CATACHI	
Sorteo # 7885	
8854	
3512	
3041	
MULTI-X	
x3	
BIG 4	
Sorteo # 6929	
5714	
DIFF	
Sorteo # 1634	
6951	
ZODIAC	
Sorteo # 5688	
9279	
Aries	
LUCKY 3	
Sorteo # 618	
150	
MULTI-X	
x2	

LOTTO 5	
Sorteo #	Joker Letter
0 x Jackpot	Proximo Jackpot
0 x Match 4+	
0 x match 4	
0 x Afl. 12,00	
500.000,-	

LOTTO DI DIA	
Sorteo #	Proximo Jackpot
0 x Jackpot	
3 x Match 4	
118 x Afl. 8,00	
06-11-26-27-29	
52.000,-	

MEGA	
Sorteo #	Mega Ball: Proximo Jackpot
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	
330.000,-	

MEGA IRUS	Afl. 430.000,-
------------------	-----------------------

KORSOU	
Sorteo #	

LEY CU TA LIMITA UZO DI PRODUCTIONAN DI TABACO

PROTEHANDO SALUD PUBLICO

6 Ta prohibi pa vende of duna productonan di tabaco na personanan bou di 21 aña

SOLO Di Pueblo

HALA ROSEA LIBREMENTE BREATHE FREELY



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado : Sorteo 06 Maart 2023 Merdia

CATACHI	
Sorteo # 3847	
0241	
6670	
1494	
MULTI-X	
X3	
BIG 4	
Sorteo # 3847	
7728	
DIFF	
Sorteo # 1903	
9993	
ZODIAC	
Sorteo # 3847	
5118	
Aries	
LUCKY 3	
Sorteo # 721	
197	
MULTI-X	
X2	

LOTTO 5	
Sorteo #	Joker Letter
0 x Jackpot	Proximo Jackpot
0 x Match 4+	
0 x match 4	
0 x Afl. 12,00	
500.000,-	

LOTTO DI DIA	
Sorteo #	Proximo Jackpot
0 x Jackpot	
0 x Match 4	
0 x Afl. 8,00	
51.000,-	

MEGA	
Sorteo #	Mega Ball: Proximo Jackpot
0 x Jackpot	
0 x match 4	
0 x Afl. 500,00	
0 x Afl. 50,00	
0 x Afl. 15,00	
330.000,-	

MEGA IRUS	Afl. 430.000,-
------------------	-----------------------

KORSOU	
Sorteo #	



PRONOSTICO DI TEMPO

PRONOSTICO DI TEMPO
VALIDO TE DIARANSON 08 DI MAART 2023, 18:00 ORA

TEMPO:
AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE NUBLA SIN
AWACERO DI IMPORTANCIA

TEMPERATURA MAXIMO 31 GRADO CELSIUS
TEMPERATURA MINIMO 25 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 32 PA 35 GRADO CELSIUS
UV INDEX: 11

BAHADA DI SOLO : 6:49 PM
SUBIDA DI SOLO : 6:51 AM.

BIENTO: MODERA FOR DI DIRECCION GENERALMENTE OOST;
FORSA 3 TE 4 (12 TE 30 KM/ORA, 7 TE 16 NUDO)
DEN DIA BASTA FUERTE TE POSIBLEMENTE FUERTE DEN RAFAGA:
FORSA 5 TE 6 (31 TE 50 KM/ORA, 17 TE 27 NUDO)

SITUACION GENERAL DI TEMPO PA PROXIMO 24 ORA:
NO SPERA CAMBIONAN SIGNIFICANTE DEN E TIPO DI
WEER CU TA REINANDO. AIRE RELATIVAMENTE SECO
DEN REGION LO LIMITA DESAROYO DI NUBIANAN CU
POR PRODUCI AWACERO. ESAKI LO MANTENE E WEER
SIN AWACERO DI IMPORTANCIA. MAS ALEU, STOF DI
SAHARA LO STROBA VISIBILIDAD UN POCO DURANTE
PROXIMO DIA OF DOS.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE, ROND DI 1 PIA.
NA PARTINAN ZUID: TRANKIL TE MODERA, ENTRE 1 PA 2 PIA.
NA PARTINAN OOST TE NOORDWEST DI COSTA:
GENERALMENTE MODERA, ENTRE 4 PA 5 PIA.

AVISO/ ALERTA:
NINGUN

FENOMENONAN SPECIAL:
NINGUN

POTENCIAL DI AWACERO PA PROXIMO 24 ORA:
MENOS DI 1 MM; LOCALMENTE ESAKI POR TA DIFERENTE.


REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 31 / MIN 25 / 0.0 MM
WESTPUNT: MAX 31 / MIN 25 / 0.0 MM
STA ROSA: MAX 31 / MIN 25 / 0.0 MM

PRONOSTICO DI TEMPO PA PROXIMO 3 DIANAN:
LEVE TE PARCIALMENTE NUBLA CU UN AWACERO PASAJERO.
BIENTO LO TA FOR DI DIRECCIONAN OOST Y MODERA TE
BASTA FUERTE, FUERTE DEN RAFAGA; TEMPERATURA
(GRADO CELSIUS) MAX / MIN LO TA: 31 / 26

FORTALEZA PA FAMILIA
Scirbi pa Pastor Marcel Balootje.
TRAS DI E PALABRA
PORDON, TIN UN MON-
TON DI BENDICION

Dios tene mi-
sericordia, e
mundo ta yena
cu Odio, Ven-
gansa, Rabia,
Orguyo, En-
emistad, y mas
cu tur cos falta
di pordon, cual
ta separahende
for di otro y
tambe ta dividi
familia.



Falta di pordon
ta asina obvio
cu e no por wordo scondi
mas, pasobra hasta den un
speech y forma di expresa
bo ta nota si un persona tin
falta di pordon y amargura
a ataca su curazon. (Marco 11
v 25)

Hopi tristo ta e falta di por-
don cu ta existi entre mayor
y yiu, pasobra un mucha
mester di su mayornan pa
un bon crecimiento spiritual
y social. (2 Corintionan 2 v
10-11)

Di otro banda nos ta mira
cu dia pa dia hende ta pa-
pia malo di otro, acusa,
insulta, bully, rebaha, y re-
chasa otro manera ta un cel-
ebracion, pasobra tin hende
ta kere cu ora bo rebaha bo
prohimo bo ta wordo premia
como un bon persona. (Pro-
verbionan 24 v 17)

Den Mateo capitulo 5 vers
22 Hesus ta bisa: Ken cu
bisa "Bobo" lo ta culpabel
pa bay den candela di fier-
no. Si nos wak bon awendia
ofensa mas fuerte cu bobo
ta cay contra otro, y hende
no tin temor di Dios.

1 Juan capitulo 3 vers 14 ta
bisa: Esun cu no ta stima
ta permanece den morto,
saca bo cuenta cuanto hen-
de tin ta cana rond masha
bunita, pero nan ta morto
spiritual pasobra den nan
curazon tin odio contra nan
prohimo.

Dios ta wak e asunto hopi
mas serio cu nos ta mire,
pasobra Dios su palabra ta
bisa cu sin paz y sin san-
tidad ningun hende lo mira
cara di Dios. (Hebreonan
12 vers 14). Asina ta cu nos
relacion cu Dios no por ta

bon si tin falta di pordon
den nos curazon.

1 Juan capitulo 3 vers 15 ta
bisa: Ken cu ta odia su ru-
man ta un matado, y boso
sa cu ningun matado no tin
bida eterno ta permanece
den dje.

Awor esaki ta hala nos aten-
cion, pa cambia nos vocabu-
lario y wak bon kico nos ta
papia den cas, oficina, scol,
etc y con nos ta expresa nos
mes contra otro, pasobra
sembrando odio bo ta aleha
bo mes for di hende y for di
Dios.

Efesios capitulo 4 vers 29
ta bisa: No laga ningun pal-
abra dañino sali for di boso
boca, sino solamente pal-
abra cu ta bon pa edifica-
cion, conforme e necesidad
di e momento, pa esaki por
duna gracia na esnan cu ta
tende.

Mateo capitulo 6 vers 14 +15
ta splica nos cla cu si nos no
pordona, Dios tampoco ta
pordona nos, un hende cu
no ta pordona, no ta crece
spiritualmente, ni tampoco
un persona cu ta odia no
por drenta cielo pasobra
bida eterna no ta perman-
ece den dje.

Si bo no ta pordona ta abo
mes ta esun prome cu ta
sali perhudica, bo tin cu
pordona y laga los, for di e
cosnan bieuw, pa bo cura-
zon por ta limpi dilanti di
Dios. (Colosensenan 3 v
12+13).

Na e momento cu un hen-
de pordona di curazon, su
wowo lo habri pa e mira
e monton di bendicion cu
Dios tin pa su bida. (Lucas 6
v 37 + 1 Juan 1 v 9).

Clasificados

AUTOSINMUEBLESARTICULOSNEGOCIOSSERVICIOSEMPLEOS

SOLODIPUEBLO@GMAIL.COM

585 9500

www.SOLODIPUEBLO.com

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhelmina Fonds	582-0412
Fundacion pa nos mucha nan	583-4247



Obituario



Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia
Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554 puntra pa
Jamila Henriquez**



Oracion di dia

Un feliz dia y luna nobo yena di bendicion, paz y amor di Dios

”Yiu di hende lo ta un señal pa e hendenan di e generacion aki”.(Lucas 11, 30)

Probablemente abo por ta un persona cu na momento di tuma un decision dificil ta hisa cara pa shelo y pidi Señor manda bo un señal y ta busca den intensidad di solo, den forma di e nubianan o briyo di e streanan di shelo e respuesta. Pero den realidad e señalnan ta mas cerca di loke nos ta pensa, hopi bes e ta biba den nos mes, den loke nos ta biba, loke nos ta experimenta, den esnan cu ta rondona nos, den e palabranan cu nos ta scucha, eseynan ta e señalnan cu Dios ta utiliza pa asina nos por descubri e contesta di nos preguntanan. Den e Evangelio Hesus ta menciona tres señal, e señal di Yonas, señal di Salomon y e ultimo señal ta Hesus mes. Hesus no a bini pa reemplasa e señalnan antiguo sino pa cumpli cu nan den Su berdad y plenitud. Hesus ta pidi mi pa samina mi consenshi, arepentí y rechasa tur forma di pica. Nos mester tin e disponibilidad di cuminsa un bida nobo, cu un intencion sincero di sigui e direccion di Dios. Asina p’e palabra y obranan di Hesus bira un señal visibel pa nos.

Oracion: Mi Señor, cada bes cu mi haci e señal di cruz y contempla bo crucifihó, mi ta corda e motibo di Bo sacrificio pa mi. Amen

Parlamentario mr. dr. Rycond Santos do Nascimento:

Mi a afilia mi mes na AVP, pasobra AVP ta un partido cristian democrata

Nos ta biba den un tempo cu ta anti-religion. Nos a mira Miguel Mansur pidi pa declara religiosonan pa persona non grata, revoca nan permiso di estadia y deporta nan. Milton Ponson a yama nan taliban di Aruba, mientras cu otronan ta yama tur religioso anticua y ignorante. Algun dia pasa partido AVP a post e siguiente mensahe riba su pagina di Facebook: “Locual Dios tin p’abo niun hende por kite.” Mesora un grupo cu ta yama su mes AMEN (Atheist Movement & Education Network) a contesta riba FB: “Ridicules. Partido politiconan tin cu siña mantene nan creencia leu di politica, y stop di duna hende speransa fofo. Ningun dios tin pa’bo. Ta abo mes tin cu lanta tur dia y traha pa logra locual bo kier. Asina nos ta hiba nos pais dilanti cu resultado berdadero. Nos si ta duna tips valioso cu bo por haci algo cu ne. No depende riba un ser ficticio pa logra bo metanan.” Locual e ateistanan ta lubida ta cu hopi biaha nos tin miedo. Nos no kier enfrenta nos retonan. Bida ta caotico y p’esey ta dificil pa nabega bida. Pero un cristian democrata sa

cu un filosofia di bida ta yuda enfrenta e realidad caotico. Un filosofia di bida ta yuda combati nos ansiedad, regula nos emocion y guia nos den nos relacionnan diario. Sin un filosofia di bida, bida no tin proposito y nos ta sinti nos mes bashi, perdi y hasta desespera. Esaki no ta conta solamente pa nos bida personal. Den politica ta mescos: nos mester tin un filosofia politico pa nos nabega e realidad politico, sino nos ta bira manera un sinfin di politico cu ta djis grita algo pa agrada e publico. Mientras tanto e politico ey mes no tin alma ni principio.

Ami a kies pa ta un cristian democrata. Mi pensamiento politico ta basa riba ideanan cristian. Mi ta kere cu Bijbel ta un fuente importante di inspiracion pa nos accionnan politico. Mi ta kere cu un ser humano ta un ser social cu un necesidad pa crece, desaroya y florece. E desaroyo ey solamente ta posibel ora nos ta conecta cu otro, respetando e dignidad cu Dios a duna cada persona. Pa por desaroya nos mester tin libertad pa por scohe con nos ta duna contenido na nos bida, sin perde for di bista e derechonan di otro. P’esey cuido pa cu nos prohimo, e maneho responsabel di nos naturalesa y recursonan y e cuido di nos organisacionnan civico – manera famia, Iglesia y empresanan – ta di suma importancia. Na final di dia un cristian democrata ta kere cu Dios tin un plan pa cada un di nos por alcanza nos maximo potencial.



Como cristian democrata mi ta kere cu nos mester percura pa organisacionnan civico ta fuerte y independiente. Mi tin un fuerte conviccion cu un comunidad fuerte ta consisti di organisacionnan civico solido. Gobierno mester respeta y apoya e responsabilidad personal di cada

un di e institucionnan aki. Gobierno tin e solo tarea di apoya, sostiene y facilita e comunidad consistiendo di famia, Iglesia y empresanan, pa funciona debidamente. Ta ora e organisacionnan den sociedad civil no ta funciona adecuadamente gobierno tin un responsabilidad pa ac-

tua. E ideanan aki nos por resumi den tres palabra: autonomia, subsidiaridad y solidaridad.

Mi speransa ta cu nos por comparti e conviccionnan aki, pa asina hunto nos crea un sociedad cu un base firme; un sociedad cu ta activa cada persona pa crece, desaroya y florece!



HOTLINE



744-0444

CAPT'E Y MAND'E



Cu profundo tristesa pero conforme cu boluntad di Dios nos ta anuncia fayecimento di:

Catharina Eugenia Lopez

*04 September 1926 †04 Maart 2023

Na number di su:



Rumannan:

Subrino manera yiu:
Subrinonan:

- Helena Lopez
- Mercelina Tromp Lopez
- Pascualita Lopez
- David Abello Lopez & Yuliet Abello Lopez
- Teofilo “Tito” Tromp y famia
- Luis “Luwi” Enrique y famia
- Roberto “Betto” Carlos Tromp y famia
- Justo Lopez y famia
- Regina Schwengle
- Helena Lopez y famia
- Eugenia Lopez y famia
- Manuel Lopez y famia
- Marva Lopez y famia
- Damasco Lopez y famia
- Iris Lopez y famia
- Zulma Lopez y famia
- Soraida Chirino y famia
- Rubin Lopez y famia
- Salvador Lopez y famia
- Linda Koolman y famia
- Robby Koolman y famia
- Lucia Tromp Wever y famia
- Shon Pe Wever y famia
- Rita Wever y famia
- Rosa Dania Wever y famia
- Elizabeth Wever y famia
- Roy Wever y famia
- Angely Cruz Wever y famia
- Chela Geerman
- Filomeno “Meno” Wever
- Fillomena Wever
- Lucia Wever
- Marvis Ridderstap Wever

Amistadnan stima di cas:

Cu un gradicimento inmenso na Tito Tromp pa cu a yuda na su ultimo momentonan
Kier a invita tur conocir pa e acto di despedida cual lo tuma lugar diabierna 10 di Maart di 9or pa 11or di
mainta na Pray Funeral Home San Nicolaas sigi pa cremacion.

INFORMACION DI PAROKIA DI LA BIR- GEN DI FATIMA NA DAKOTA NOBENA NA HONOR DI SAN HOSE



Ken ta San Hose? San Hose ta Tata di Hesus, Esposo di Maria, Patriarca y Protector di Santa Iglesia Universal, Terror di Demonionan y tambe Patrono di Trahadonan.

Tambe ta wordo considera como Patrono di esnan moribundo.

P'esey Parokia di Birgen di Fatima ta desea di informa cu lo tene un Nobena na honor di San Hose, cuminsando diabierna 10 di maart 2023 te cu diasabra 18 di maart 2023 pa 6 or di atardi, cu excepcion di diadomingo 11 di maart 2023, cu e ora lo ta 5 or di atardi.

Dialuna 20 di maart 2023 fiesta di San Jose ta wordo celebra y riba e dia ey nos lo resa Santo Rosario pa 6 or di atardi despues ta sigui di biaha cu e Santo Sacrificio di Misa solemn

na honor di San Hose.


Diabiernanan 10 di maart y 17 di maart lo tene e Nobena pa 5 or y 45, pa despues sigui cu e caminda di cruz pa 6 or y mey di anochi, sigui pa un Santo Sacrificio di Misa pa 7 or di anochi

Ta invita tur devoto y pueblo di Aruba en general y tambe tur esnan cu tin e nomber Hose, José, Josefa y Josefina pa asisti sin falta na e Nobena y e fiesta na honor di San Hose, e ehempel famoso di Santidad.

Na nomber di Parokia di Dakota
Mimi Stede-Schwengle
Coordinadora di Grupo di Oracion na honor di San Hose
Parokia di Birgen di Fatima

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



Sr. Antonio Koolman
"Cholin of Dingi"

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email, facebook y a hasi yamada nan telefonico. Na personal y staff di Stichting HOPE cu a cuida nos Pachi stima.

Tambe na pastoor Toti y pastoor Jairo Maduro.
Tambe na Aurora Funeral Home pa cu su bon servicio y atencion.
Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compaña nos na 2 Santo Sacrificio di Misa na misa Inmaculada Concepcion na Sta. Cruz; diahuebs 9 di maart pa 7:00 pm. Despues di ultimo misa lo tin un rosario na cas; Cas Ariba # 8

Boso presencia ta altamente aprecia.

Pa abona na
SOLO DI PUEBLO
Yama
585 9500

Manda nos un e-mail na
solodipueblo@gmail.com



Entrega tur dia te den bo port'i cas



	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

8 de Marzo Día Internacional de la Mujer

"Mujeres en acción"

Busca en la sopa de letras algunos nombres de Mujeres que han marcado la historia.

@Materiales LM

MALALA YOUSAFZAI

CLEOPATRA

SOR JUANA

FRIDA KAHLO

ANGELA MERKEL

JOSEFA ORTIZ

ROGBERTA MENCHU

ANA FRANK

JUANA DE ARCO

M	A	L	A	L	A	Y	O	U	S	A	F	Z	A	I
U	C	L	E	O	P	A	T	R	A	C	D	A	R	M
S	A	R	T	Y	B	N	A	E	R	I	A	G	U	O
R	I	G	O	B	E	R	T	A	M	E	N	C	H	U
S	O	R	J	U	A	N	A	B	R	F	A	N	N	C
J	U	A	N	A	D	E	A	R	C	O	F	R	E	C
M	A	L	A	J	O	S	E	F	A	O	R	T	I	Z
C	F	R	I	D	A	K	A	H	L	O	A	F	S	A
C	L	E	R	T	B	V	A	S	D	E	N	E	K	F
E	D	A	N	G	E	L	A	M	E	R	K	E	L	S